



## Wo de Wald am dickschde iß.

Wo de Wald am dickschde iß,  
Un am diefschde 's Wasser  
Schdehen newe uff de Wiß  
Erbeere die Masse.  
Uffem Brickche iwerin Bach  
Sitzd e sauer Määre,  
Schdrambeld midd de Bän un lachd  
A<sup>n</sup> mich wie die Beere.

Wann die Beere zeidig sinn,  
Soll mer net lang froo'e.  
Nix als wie in's Maul eninn,  
Roode wie die blooe;  
Kriehschd de aah e babbisch Maul,  
's Wasser iß noch billig,  
Un wann du net selwer faul,  
Iß aah's Määre willig.

Wo de Wald am dickschde iß  
Un am diefschde 's Wasser,  
Werrd vun Beere mer un Riß  
Maul un Schnorres nasser;  
Uffem Brickche ich nedd faul,  
Uffem Schoos es Määre —  
Hol ich vun seim Kerschemaul  
Meer die schennschde Beere.

